

## UVOZ, IZVOZ I PROVOZ ORUŽJA I MUNICIJE

- procedure uvoza i izvoza, kao i privremeni uvoz i izvoz, tranzit i ponovni izvoz roba regulirane su Zakonom o carinskoj politici BiH ("Službeni glasnik BiH", broj 57/04), Odlukom o provedbenim propisima Zakona o carinskoj politici BiH ("Službeni glasnik BiH", broj 63a/04);
- uvoz i izvoz oružja i vojne opreme reguliran je pored navedenog Zakona i Zakonom o uvozu i izvozu oružja i vojne opreme ("Službeni glasnik BiH", broj 5/03 i 33/03), te Uputstvom o reguliranju izvoza, uvoza, tranzita i posredovanja u prometu oružja i vojne opreme ("Službeni glasnik BiH", broj 14/03);
- oružjem i vojnom opremom, kao i njihovim rezervnim dijelovima u smislu Zakona o uvozu i izvozu oružja i vojne opreme, podrazumjevaju se pozicije iz Zajedničke liste vojne opreme obuhvaćene Pravilima ponašanja Evropske unije o postupanju kod izvoza oružja ("Službeni glasnik BiH", broj 9/03);
- u Prilogu broj 1. Uputstva o reguliranju izvoza, uvoza, tranzita i posredovanja u prometu oružja i vojne opreme data je, po tarifnim oznakama iz Carinske tarife BiH, lista oružja, municije i specijalne opreme/materijala za vojnu upotrebu i pripadajućih tehnologija, koja je predmet dozvole pri uvozu, odnosno tranzitu preko teritorije BiH, a u Prilogu broj 2. data je lista navedene robe koja je predmet dozvole pri izvozu iz BiH i posredovanju u prometu oružjem i vojnom opremom;
- prema odredbama člana 4. Zakona o uvozu i izvozu oružja i vojne opreme sva fizička i pravna lica koja su uključena u uvoz, izvoz, tranzit ili posredovanje u prometu oružjem i vojnom opremom moraju biti registrirana kod Ministarstva vanjske trgovine i ekonomskih odnosa, a postupak registracije je uređen Uputstvom o proceduri registracije pravnih i fizičkih lica u prometu oružjem i vojnom opremom ("Službeni glasnik BiH", broj 14/03);
- prednje navedena lica, shodno članu 5. Zakona o uvozu i izvozu oružja i vojne opreme, moraju imati dozvolu za uvoz, izvoz, tranzit ili posredovanje u prometu oružjem i vojnom opremom, koju, u skladu sa Uputstvom o reguliranju izvoza, uvoza, tranzita i posredovanja u prometu oružja i vojne opreme, izdaje Ministarstvo vanjske trgovine i ekonomskih odnosa, uz prethodnu saglasnost Ministarstva vanjskih poslova BiH i Ministarstva sigurnosti i mišljenja Stalnog komiteta za vojna pitanja.
- na uvoz lovačkih pušaka koje podliježu propisanoj dozvoli za uvoz, plaća se carina po stopi utvrđenoj u Carinskoj tarifi BiH i dažbina za carinsko evidentiranje u iznosu od 1% od carinske vrijednosti propisane članom 12. stav 2. Zakona o carinskoj politici BiH.
- u vezi procedure obavljanja djelatnosti proizvodnje municije za lovačke puške, tj. registracije te djelatnosti i propisa kojima je uređeno to pitanje, ova Uprava se ne može izjašnjavati jer ta pitanja nisu u njenoj nadležnosti, osim što vam možemo ukazati da u pogledu uvoza robe za potrebe proizvodnje municije za lovačke puške u svemu moraju biti ispunjeni, prvenstveno pravo uvoza takve robe i drugi uslovi u ovisnosti od vrste robe, namjene, porijekla i drugih okolnosti.